

Sakspapir

Saksnr	Utvalg	Type	Dato
004/23	Kommunestyret	PS	16.02.2023

Sakshandsamar	Arkiv	ArkivsakID
Ketil Tjore	FE-033	23/37

Orienteringssak

Framlegg til vedtak:

Kommunestyret - 004/23 - 16.02.2023

KS - behandling:

Kommunedirektør Bjørnar Fjellhaug orienterte:

- Skifte av kommunalsjef, der Service og Forvaltning har endra namn til Samfunn og tenesteyting. Reknar med å ha nyttilsett på plass frå hausten, fram til det vil kommunedirektøren dekkja dette ansvarsområdet saman med avdelingsleiarane.
- Medan Thomas Lindås sluttar som kommunalsjef, er Atle Vaage inne som ny einingsleiar teknisk drift, og tidlegare einingsleiar teknisk drift Rolf Henning Myrmel har gått over til ei stilling som prosjektleiar.

Prosjektleiar Rolf Henning Myrmel orienterte om status for ulike investeringsprosjekt, jamfør liste som ligg ved møteboka.

Einingsleiar teknisk drift Atle Vaage orienterte om pågåande prosjekt. Oversikta ligg ved møteboka.

- Må gjera ein informasjonsjobb på dette med delt fakturering ut over året. Er ikkje så mange innbyggjarar som har meldt interesse for delt fakturering av kommunale tenester.
- Skal laga vedlikehaldsplan for bygg og anlegg, dette vert laga som ein fireårsplan der ein deler alle kommunale bygg i fire grupper. Bygga får eit større vedlikehald kvart fjerde år, og så mindre vedlikehald i tre år. Denne planen må vera klar til budsjetthandsaminga for 2024.
- For dei punkta som manglar finansiering (verbalpunkt frå kommunestyret sitt budsjettvedtak) skal det jobbast fram ei oversikt over kostnader, og skal ein sjå på dette i samband budsjettjustering etter 1. tertial.

Reidar Øksnes (Sp) kommenterte om sperring av kaiar og kjøreforbod: Om kaien ikkje toler vekta som

vegen er klassifisert for, må det vera skilta med innkjøring forbode eller avgrensa vekt. Det er få kaiar i dag som har anna avgrensing enn vegen fram til kaien.

Atle Vaage svara at kommunen har firma som sjekkar kaiane, om det er manglande sikkerheit så må desse kaiane stengast.

Anne Hildegunn Færøy, kommunalsjef helse og velferd:

- Presenterte seg for kommunestyret, dette var første møte i KS etter at ho starta i kommunen 1. januar.
- Orienterte om Kommunalt tilbod om øyeblikkeleg hjelp døgnopphald (ØHD) i Austrheim kommune, presentasjonen ligg ved møteboka.

Kommunedirektør Bjørnar Fjellhaug orienterte om flyktningar:

- Har busett 30 flyktningar frå Ukraina så langt, 18 registrert i 2022, av desse har ein reist tilbake til Ukraina på ubestemt tid.
- 12 busette i 2023, det varierer frå sambuarpar til familiar, den siste er på plass tysdag. Kjem ein familie på 4 i mars, har då 4 att på kvoten for 2023.
- Har lite bustader, leiger tre på det private eigedomsmarknaden. Skal senda over ei sak til Austrheim kommunale eigedomsselskap og bestilla 12-15 bustader i ulik storleik, innanfor ein gitt tidshorisont. Kommunen har personar med behov for bustad, og manglar gjennomgangsbustader. Ønsker at AKE skal skaffa bustader, og at kommunen leiger av dei etter behov. Ser ikkje risiko ved dette, generelt er det mangel på bustad i Austrheim og spesielt på leigemarknaden.

Kommunedirektør Bjørnar Fjellhaug orienterte om oppfølging av interpellasjon frå Bygdelista frå desember:

- Her skulle kommunedirektøren etter vedtaket komma tilbake til KS med informasjon. Det er sendt skriftleg pålegg til entreprenør om å ikkje kjøra masser frå Heiane, og skriftleg pålegg til entreprenør om å fjerna ureine massar og svartelista artar i Dyrneset.

Kommunedirektør Bjørnar Fjellhaug orienterte om planarbeid:

- Det er vedteke i planstrategien at det skal vera kommunedelplan for oppvekst, og for helse og velferd. Kommunedirektøren ber om at dette heller vert gjort om til temaplanar, så kan det legga føringar for arbeidet med samfunnsdelen i kommuneplanen. Vil starta opp rullering av samfunnsplanen, dagens gjeld til 2027, men det vil gjerne ta tre år å rullera den. Temaplanar for oppvekst, og for helse og velferd, tar ein då med seg inn i samfunnsplanen.

Kommunaldirektør Bjørnar orienterte om avvikssystemet, sjå presentasjon som ligg ved møteboka.

Jan Erik Espelid (Bygdelista) spurte om kommunedelplan for klima og energi. Då saka vart handsama hausten 2022 vart det sagt at det skulle arrangerast ein Klima- og energikonferanse for kommunestyret. Her svara kommunedirektør og ordførar at planen er vedteken, medan det er sagt at det skal vera ein konferanse for kommunestyret på klima. Dette er ikkje ferdig planlagt enno.

Odd Harald Dommersnes orienterte om økonomien (jamfør presentasjonen som ligg ved møteboka).

- Skal levera rekneskopen den 22/2.
- Viste til at det er risiko ved institusjonsplassar i barnevern, dette påverkar kostnadsbildet i 2022 og 2023. Kjem rekningar på millionbeløp som ein ikkje har budsjetttert inn.

- Kom ikkje noko skjønstilskot frå Statsforvaltar, slik som ein hadde venta. Skatteinngangen viste seg å vera lågare på tampen av 2022.
- Ser at gjennomsnittsalderen i kommunen går opp. Ser på tala for premiefondet for pensjon at kommunen vil få ein auke i pensjonsutgifter framover, har forplikta seg til 408 millionar i pensjon, medan det er sett av 400 millionar på fond til å dekkja dette. Her kjem det ein kostnad i 2023, viktig å vera merksam på dette.
- På andre enden av aldersskalaen er det lyst ut jobbar for dei i 10. klasse til 23 år, jobbar for å få unge til å jobba i kommunen.

Ordførar Per Lerøy (Ap) sa at det er surt med barnevernskostnad. Det er gjort ein bra jobb med å halda kontroll på kostnader. 2023 vert eit krevjande år, men har heldigvis pengar på bok til å halda prosjekta gåande

Inger Lise Brekke (H) spurte om utføresette kostnader frå Barnevernet, og viste til at kommunestyret vart orienterte om at ein ikkje hadde barn på institusjon, under presentasjonen i desember 2022.

Her svara kommunedirektør Fjellhaug at det er noko usemje om kor godt det er informert frå Alver barnevern til kommunen. Men fekk beskjed rundt jul på at det er eit barn på institusjon, og utan at dette er kommunisert med tilbakemelding. For fakturaen har dette berre framgått av fakturagrunnlaget og har ikkje vore like tydeleg som tidlegare då det vart fakturert direkte frå institusjon og til kommunen.

Ordførar Per Lerøy (Ap) spurte om korleis dialogen er med Alver barnevern, kommunedirektøren svara at det ikkje er faste møtepunkt på dette, men Austrheim ønskjer å ha faste møtepunkt for å få kontroll på sine barn og tenester gjennom barnevernet.

Handsaming i kommunestyret:

Kommunedirektøren sitt framlegg vart samrøystes vedteke

KS - vedtak:

Orienteringane vert teke til vitande.

Saksopplysninger: